





此卷自介福以下朴齋家以上皆從  
 時帆所葺及見錄中選鈔時帆之  
 於詩第取其多不問工拙而錄或  
 未堪入選故每人祇取一二首以備  
 後查 楊甫自記

卷中自王汝璧以下皆楊甫就可見  
 陸續自鈔中多可存王作

自此以下  
 下瀝波  
 船續鈔

- 葉紹棿 八首
- 陳熙 三首
- 吳嵩梁 十一首
- 王寶雲 五首
- 王脩 四首
- 王汝璧 二十三首
- 折遇蘭 四十首
- 楊倫 二十二首
- 翁春
- 吳雲 四首
- 王祖昌 十四首
- 李東元 八首
- 張濂 十九首
- 附朝 朴齋家 一首
- 李如筠 二十首
- 李傳燮 二十首
- 李傳杰 二十二首
- 汪元亮

自此以上  
 仿鈔

此人詩家荒  
 幻難為識者  
 所可憫也

此卷自介福以下朴齋家以上皆從  
時帆所葺及見錄中選鈔時帆  
於詩第取其多不問工拙而錄或  
未堪入選故每人祇取一二首以備  
後查 楊甫自記

卷中自王汝璧以下皆楊甫就不可見  
陸續自鈔中多可存王作

自此以下  
下瀝波  
解續鈔

- 葉紹楨 八首
- 陳熙 三首
- 吳嵩梁 十一首
- 王寶雲 五首
- 王脩 四首
- 王汝璧 二十三首
- 折遇蘭 四十首
- 楊倫 二十二首
- 翁春

- 吳雲 四首
- 王祖昌 十四首
- 李東元 八首
- 張濂 十九首
- 附朝 朴齋家 一首
- 李如筠 二十首
- 李傳燮 二十首
- 李傳杰 二十二首
- 汪元亮

自此以上之詩  
皆鈔

此人詩家荒  
幻難為識者  
所可憫也

淵雅堂明舊詩鈔目



介福 三首

齊呂南 七首

錢大昕 一首

伊朝棟 二首

吳俊 三首

陸廷樞 一首

莊復旦 二首

謝墉 一首

王文治 十八首

褚廷璋 二首

陸費墀 三首

陳兆崙 十四首

紀昀 四首

施朝幹 二首

鮑之鍾 三首

王友亮 十首

宋鳴珂 九首

丁履端 二首

翁方綱 一首

章謙恒 四首

祝德麟 三首

管幹珍 三首



陳嗣龍 九首

鄒炳泰 十一首

吳錫麟 三十七首

李鼎元 三首

陸伯焜 四首

劉錫五 九首

吳定 六首

李懷民 十四首

李驥元 一首

董教增 三首

伊秉綬 十首

李鑾宣 五首

李堯棟 三首

陸錫熊 一首

徐如澍 七首

汪如洋 四首

曾煥 三首

曹振鏞 三首

李憲高 十四首

蔣攸銛 九首

史致光 二首

馬履泰 二首

趙懷玉 四首

凌廷堪 三首

朋舊詩鈔

介 福

字受茲號景菴滿洲鑲黃旗人

長洲王世孫惕甫輯錄



巢縣道上望焦湖作

嶺外遙尋勝跡存茫茫春水護雲根雨餘莎草連天碧潮落洲灘見雁痕萬頃煙波迷客舫一鞭山色抱孤村可憐吳楚爭雄地滿眼滄桑落照昏

春日寄五弟

東風吹柳萬條柔春到江南晚更幽花事又逢三月裡詩情多付五更頭村沽酒伴孤燈夜尺素書傳客夢愁他日與君談往蹟秦關明月楚江樓

茉莉花

湖天雨霽欲黃昏，茉莉花開靜掩門。芳氣半隨人醞釀，幽情偏與夜溫存。一簾風軟香無力，滿院陰濃月有痕。客底閒愁難作遣，那禁此景更消魂。

陳兆崙

字勺山，號星齋，浙江錢塘人。雍正庚戌進士，乾隆丙辰博學鴻詞科中式，檢討官，至太僕寺卿。

孫載黃為會稽太守，相延入幕，尅日即行，詩以送之。

樓臺借得差堪羨，筇屐追隨惜未能。小閣寒燈前夕話，亂山斜照一人登。花明蘭渚春三月，草暗魚膏宋六陵。何限盱衡煩柬寄，勝於多惠剡溪藤。

九日楊樸園同年招集烏石山二首

昨夜相期過翠屏，出門殘夢未全醒。山容偃蹇疑無素，竹路陰森喜見青。一日可能如兩日，酒星難得又文星。何人為促登高賦，清磬依仔細聽。

傑閣危梯縹緲間，坐憐日夕下前山。巖通海氣層層逼，樹壓秋陰葉葉閒。但得身強常把酒，縱無花插亦開顏。年來鬧市經行久，醉倚僧寮未肯還。

春正四日謝孝廉徵雲招飲一枝山房

亞字城南烏石西，市塵不到稱幽棲。一聲山犬穿雲吠，幾處松鳩帶雨啼。掃葉煮泉丹井暖，就花移琖石牀低。平生賸有春襟在，總入新年醉似泥。

送馬立本下第歸江南

名榮祖，江都人。

一天風雨送春回，誰為先生進酒杯。青鏡功名餘白髮，紅塵驛路又黃梅。逢時花樣何難學，憎命文章只費猜。聽徹將離呼滿市，上林首荷幾時裁。

秋懷六首寄閩風

有序

過七夕十餘日澍雨時作煩暑不減忽一夕初霽寒甚  
遂服袷衣枯坐無聊稱心成咏言之不足遂得六篇時  
閩風在湖北學使幕

夢回午枕覺衣單設、微颺晚更攢積暝未消過伏暑新晴翻  
作透肌寒婆婆綠蔭高官勢潦倒紅衣故妓看我是借人池館  
住也為愁絕一憑欄

驚秋曾不待霜天一自春歸便悄然瞥眼頓令人四十憶家還  
隔路三千飛騰莫景吾猶惜縹緲遙雲孰為憐羨煞見時初就  
傳鎮忘寒暑日如年

憶昔周旋姊弟間每逢秋夕喜忘眠園瓜淨供看星渡厨餅偷  
嘗待月圓戲語逢嗔殊不惡童心既冠尚依然何當更索荆花  
笈綵服僊僊舞醉筵

一縷烟高朗夜缸靜推物理轉心降喧闐蛙喜爭游砌瑟縮蠅  
乾自墮窓騎省幾人傷改髻灞橋長日送歸艤明朝請急緣何  
事且赴僧齋拜佛幢

紛、榮落有前因司命何曾負此身官許讀書差足貴俸甚沽  
酒豈為貧三年換骨須靈液一氣飛灰仰大鈞不是篝車期滿  
意薄寒門戶倚衰親

漢南楊柳近如何望、層雲似疊波此地從來悲宋玉頻年况  
復病維摩林鳥坐屋原相愛塞雁當頭奈數過莫遣離愁消未  
得好詩偏是雨邊多

寓園二首 有序

故明祁世培先生讀書處也李自成破京師自沉于此  
遺命捨為佛寺有堂曰四負遺像在焉文弱殆不勝衣



殊不類意中魁偉之擬按碑記及堂額題識皆作佛語  
豈先生意哉乙丑秋晚同學徒來游感歎之餘因而有  
作

十里村圍竹萬竿虛堂曲折水潺湲池荷枯盡清芬在野燒灰  
沉碧血乾忍遣園林由世業祇憑書卷殉尊官何人錯認三生  
事摩碣津·說戒壇

繡斧風威舊戟門百年遺像挹清溫春初弱柳丰儀好霜後孤  
松骨氣尊此地頗多家化寺幾人能得姓成村西岸十里皆初氏時清  
汗簡扶公道我朝於勝國忠義順治初即一球寒泉弔亡魂

題呼龍耕烟種瑶草畫卷為錢與沙侍御

難羨無如龍易散無如烟曷弗五特犁原田玉固不可飲草固  
不可食曷弗二頃藝黍稷有人種藥當山腰稅帖不到無征徭

歲行金木屢代謝癯仙厨供常豐饒山外居人生計約問舍求  
田務寬綽幾時見有麥連雲艱難萬倍仙人藥

齊召南

號次風浙江天台人乾隆丙辰舉博學鴻詞科官至禮部侍郎

孟夏九日獨遊陶然亭即目

吏隱金門十載餘出門原自笑無車老天為我深藏拙他日因  
渠更讀書緩步微吟花落後閒亭縱目雨晴初聽鶯啼處何人  
共新綠西山畫不如

扶踈樹影鏡中斜徙倚軒楹玩物華飛隼似猜啣土燕游蜂爭  
覩隔窓花僧綠浴佛勤清梵人學區田種早瓜乍有輕陰堪一  
笑高空何碍片雲遮

是日阮裴園前輩萬蔭青劉繩菴兩同年見頌疊前韻  
叩戶剛逢蠟屐餘頓看陋巷集軒車欣占不速三人至勝接新

除一紙書素榻坐穿閒寂裡黃梁炊熟睡醒初日長何必論棋局局外觀棋更灑如

談久聽看日影斜遙從前輩數年華鄉心共憶黃梅雨風信今催白棟花莫便閉門愁種菜可容當世樂浮瓜諸公若許頻來顧簷外吾添半席遮

紅梨花次韵怡雲

素月明霞並寫真桃花潭上憶汪倫不教冷艷全欺雪還整餘粧待送春輕紫千年仙嶠樹軟紅十載校書身崇文館裡枝如錦長筵巡堦咏藥人

寄巢杭董浦新居名也書來徵詩即次其韵

杜鵑生子學鶯遷牖戶隨方那避年細草環堦先似帶新荷出水又如錢舩迎桃葉歌江月葉試桐君汲井泉空濶乾坤原是

寄且須涼就北窗眠

軟紅塵裏過春深良友何當快盍簪桑樹已踰三宿憲鷓鴣還費一枝尋有時寄遠疑燕說無事裁詩類越吟聞道書巢湖曲好卜居吾欲傍山林

絕

昀

號曉嵐直隸獻縣人乾隆甲戌進士改庶吉士授編修今官禮部尚書

題兩峯醉鍾馗圖四首

一夢荒唐事有無吳生粉本幾臨摹紛、畫手多新樣又道先生是酒徒

一醉何緣竟若斯妄言姑亦妄聽之多應忽憶開元事罷罷還

如未第時

艾綠抽紅五月天沈酣正好卧花前寧馨鬼手休相促獵、蒲風定欲眠

半脫輕衫滿意涼十圍便腹自頽唐太平時節無妖屬任尔閒  
游到醉鄉

錢大昕

字辛楣號竹汀乾隆甲戌進士江南嘉定人改庶吉士授編修官至少詹事

翁覃溪邀同裕軒擇石兩峯城西訪菊兩峯出所買杜東  
厚仿荆閔卷以贈裕軒擇石云是所藏物為偷見攫去  
者兩峯遂歸擇石裕軒索擇石別作一幅以償是日卷  
苗覃溪齋中用蘇集穆父欲取畫與石穎叔焚畫碎石  
韻題余亦次和

羅含今畫師日餐畫中綠買得一卷佳償之百錢足大似苙堂

圖菜香味

湍腹菜香草堂裕軒城西別業也

持贈意交厭傍觀額忽感通神

詫顧愷拊髀得李牧本為什襲珍何辭再三讀過眼已雲烟到  
手若珍玉慢藏或自悔豪奪食未服仍以畫相易此不疑何卜

公案即時增妙手競相逐為償有漏緣非填無底谷好事翁靈  
舒訪秋招同欲戲舉仇池例兼徵下里曲遺弓吾弗知惟愁和  
詩速

施朝幹

字叔培號小鐵江蘇儀徵人乾隆癸未進士授主事改御史今官太僕寺卿

秋日書懷

烟月揚州一酒徒閒將行李寄皇都登樓秋色侵衣冷卷幔西  
山入檻孤骨月音書傳涕淚友朋踪跡自江湖夜來風雨驚歸  
夢又聽車聲徹九衢

送少司成博虛宥先生視學蜀中

西華風物資歌嘯石鼓文章共校讐中夜占星飛蓋部幾年揮  
涕看吳鉤秋踈宮柳衣邊影天接江源馬上流忠孝諸生家法  
在草元還向一屢求

伊朝棟

號雲林福建汀州人乾隆己丑進士改刑部主事今官兗祿寺卿

書孟東野集後

五十年終下碧嵩  
深陽閒尉老詩翁  
看花放蕩真無味  
一第何曾重得公

一瓣香教賈島收  
星辰日月供冥搜  
武康寒斃長通譜  
不道尚書沈隱侯

鮑之鍾

号雅堂江蘇丹徒人乾隆己丑進士由中書遷部曹今官戶部郎中

漢上曉行雜咏

山谷殊氣候客行猶早涼  
颯然如已秋草露熠有光  
肩輿忘慮微吟叩清商  
一為秋風辭木葉墮我傍  
何用愁三伏金火方抑揚

我行指層臺細路緣圻埭  
亂蛩吟草根殘月猶未落  
前山激飛

電何處霾雨脚轟然殷雷聲  
已在輿幕曉氣含青濛  
萬象入磅礴誰與衆  
山頂一庵寄寥廓

寒色睡興

冷相殘雪影相如  
浮世光陰老被窩  
五夜不離塵夢擾  
一生孤負月明多  
氣資酒力終為客  
詩禱仙心總是魔  
學道未成雙鬢改  
青燈黃卷奈君何

吳俊

號蠡濤江蘇吳縣人壬辰進士由中書歷部郎今官廣東糧道

滇中松袂

日山行躡赤鬮  
邦人生計重沙泉  
但堪引水俱成圃  
小可栽松便當田  
盈指會模龍偃蹇  
試針工舞月嬋娟  
炎方草木須詳譜  
爰爾初生意矯然

黔中松歸

日、肩輿華確村壞沙如燒土如髡天風忽振千鱗甲泉涌爭  
鳴萬盜盈路有菌芝因過雨成無蛇虎不閉門此中結屋勝千  
戶松子秋來似稼屯

石橋

水雲濛、鷓鴣啼石橋南頭路多泥州人陂水如貯器斜整縱  
橫隨所利櫟葉簇、楓翻、水牛渡溪歸破村村中楚語買楚  
酒客醉蚊蚋驕黃昏

王友亮

号蔚亭江南江寧人乾隆辛丑進士改主事今官禮  
科給事中

外兄羅履堂赴官中州以雨衣贈之

家居四不出一官改吾素京師重油衣出入必先具南歸之拋  
却為愛蓑笠故今日贈君行尚有淄塵汚既收塵中來仍落塵  
中去願君如此衣護人無自護

法源寺觀菊

重陽已見花來值三日後入門風灑然鼻現已微逗荒園菊數  
畦高下如列繡花稀蕊正繁恰是初開候徐、繞之行寒蝶相  
左右斜陽寫疎影自頽與同瘦可容乞一枝軍持伴清晝歸去  
試傳杯餘香尚盈袖

池上納涼

小池涵踈星點、若碁布清颼灑然至吹亂不知數稍驚眠鷺  
起時認流螢度皓月解相尋亭、出高樹微雲偶一來風輒引  
使去忻然促匡牀呼童理茶具願思敲枕眠畏此衣上露時聞  
鐵馬敲似欲催詩句

祖龍愚

銷兵甫畢旋燬書祖龍愚矣民不愚張良亡命蕭何吏亡秦何

與儒生事火光迎取赤帝來書灰未冷阿房灰別有藏書焚不  
得伏生腹笥恭王壁

輪臺悔

黃金可成河可塞縹渺三山望難即半生悔受方士愚神仙自  
有求自無帝王雅與神仙異縱使求來欲何異蟠桃田核種不  
紅茂陵石馬青於銅

冰山雪海歌為董蘊田舍人作

冰山自古寓言耳君到伊犁親見來傳是堯年洪水後朔風搏  
結成胚胎扶桑十日鏢不動至今屹立萬仞光皚：下無寸土  
上無樹複嶺層壑不知數直將水體冒山名賴有回人來鑿路  
路光如鏡滑如油牽馬不行馬亦愁大聲陡發山迸裂片石險  
絕橫峯頭有時山裂路斷則以片石補之行人到此防飛墮前導狼蹤看幾個

山無鳥獸有狼行行微生判作號寒蟲得過且圖今日過徧身

者視有狼踪處可渡起粟兩脚僵六十里同千里疆下山席地甫少憇照眼雪海來

蒼茫海無滴水雪為水中有橫梁蜿蜒起此梁亦是雪踏成寬

可二弓袤十里相將奮力且勉行凍步不于疑搖旌但教人馬

小失足直下雪窟聽無聲吁嗟乎山巔海角人猶駭何況山非

真山海非海遇處曾驚白骨橫望時直使朱顏改方今

聖德大如天幅員遠越千古前竒觀久閱忽盡豁足跡未到朝張騫

君歸萬里談竒絕一室春風變冰雪天山瀚海詎能誇聞者心

寒耳偏熱

江樓和賈仲宣秀才

偶出恰相值登樓快此遭莫寒村酒貴春兩渡船高小酌嫌中  
雅新詩愛反騷頭顱已三十輸尔少年豪

斗姥閣霽望

著履趁新霽似閒還似忙朱闌行處曲綠野望中長一塔截飛  
鳥數帆生夕陽擊音殊可喜幽興滿滄浪

登岸入小村作

樹色湖光裡茅簷遠市塵瘦篁腰刻字老柳腹通人酒幟來藍  
尾魚畏工白鱗拈詩還一笑何減畫圖真

杜舍人稷山述其僕高姓幼時遇仙事為作歌

天台古洞扁千秋劉阮去後無人遊春風瑤草依然綠時有牧  
兒來牧牛牛行啣草兒卧守卧起大啼牛已走穿林越澗尋不  
得山半老翁招以手從之並遠在山巔石鈎衣破履欲穿憑空  
笑擲雙不借著脚冉、梯晴烟梯到山巔平似砥宮闕玲瓏接  
天起長橋一道玉樵成橋下白雲橫作水蒼茫却立倍心驚促

之不行掖以行四圍但有烟霞色下界微聞鷄犬聲上橋才下  
百餘步啼飢却挽闌干住餌之半餅極甘香一飽無言祇求去  
笑更旧履拍使歸身輕下山同鶴飛回頭峭壁立峻絕却願高  
林總落暉到家爺娘喜且愕牛歸七日見無著歷陳所遇說為  
妖幸荷妖慈免饒嚼自是見忘飢与寒神清意遠骨珊珊每談  
休咎輒奇中一覽詩書如夙看羣疑食餅能為崇以藥下之凡  
十劑膏環半月吐猶新飼犬俄驚吠雲際可憐轉瞬仍下愚行  
年五十為人奴頭童齒豁悔無及靈境過眼仍模糊但有仙緣  
乏仙福為飲一觴歌此曲須知慧業始升天若輩能仙、亦辱

陸廷樞

字象星号鎮堂順天大興人乾隆庚子進士今官山西絳縣知縣

泊舟

泊舟清水湖湖光浩泱、落日有歸樵暝色少來榜岩花開斷

續水鳥飛一兩閒吟對晚山坐看山雲上

宋鳴珂

號

溘思江西奉新人乾隆庚子進士官至兵馬司指

早發過青魚夾

客子朝卧慵篙師帶星飯蓬吹北風滿知及中流半野寒遙光  
悄起視飛鶴亂夾逼天遂深人語烟不散具區莽曠阻滙澤空  
汗漫遲尔破浪才臨風默三嘆

過子陵釣臺作

漢家天子魚為龍舉世不識羊裘翁天寒日莫大澤中眼底久  
已無王公豈知故人乃恩我萬乘不在咸陽宮此時釣竿不投  
亦不起故人尔來聊復爾故人得友不得臣咄，故人太逼人  
嗚呼釣臺之高不知幾千尺反照翻江動虛壁魚龍宴滅有時  
盡地老天荒一片石茫，春艸苗行跡

夜泊安仁縣

猶是故鄉月蒼然萬里舟水天相澹泊沙郭隱深幽客路易為  
久踈燈微照愁同來共經濟利涉可無憂

新年江上書所見

天濶漢陽樹江清黃鵠磯渚芽晴自茁檣燕飽能飛桂葉佳人  
漿金花稚子衣此情殊不減江上故園扉

佩刀

利器鬱光怪鯊魚黃木裝周防異龍雀小物亦風霜柄鑿元相  
入裁成必有方常時佐文戰彈指出鏗鏘

晏起

江皋春散已無邊猶作陰晴不定天亞竹桃花隣舍火勝雅楊  
柳近樓烟燈圍海岳宵開宴館闕絲桐畫望仙三萬韶光抵一



日人生那惜酒如泉

舟行雜咏

寒重和衣睡未成  
洲渚靜無鼓角聲  
渡頭酒醒客無賴  
月落半船天未明  
無風灘上雪花飛  
石轉篙頭水濺衣  
若道風波灘最惡  
鷺鷥何事不知歸

冶城舟中

荒汀沙草短離離  
二月垂楊未挂絲  
新綠忽明深樹裏  
春風吹長寄生枝

莊復旦

号澤珊江蘇陽湖人乾隆甲辰

召試中書

蘆墅采菱二首

歲：天涯憶采菱  
今教穩步郭西塍  
飄飄故國無家客  
嘯傲禪

房有髮僧移屐怕侵堦  
下薜罨船呼掛柳邊  
罨舊圖爰寫江南  
景一片秋容畫未曾

十里橫塘一徑菱  
寒裳采：傍溝塍過橋竹院  
招遊騎面水茅齋  
卧老僧拍梳香生新煮茗  
賣魚聲起乍收罨軟紅塵裡  
清宵夢烟景當年見未曾

丁履端

号郁茲江蘇陽湖人乾隆己亥舉人今官河南知縣

即事

半年羈跡滯燕臺  
偶向華堂索笑迴  
前度花皆隨夢盡  
舊時月又過牆來  
情鍾我輩誰能遣  
言畏人多莫漫猜  
惟有醉翁還解事  
謂楊葦廣寒同泛夜光杯

題楊丈六士泣硯圖

憶昔甲辰春  
君載持硯泣  
泣言父母在  
望作進士切  
奈因家長

負急欲就微秩即以此泣言寄書俾我悲時我方下第感君語  
真實暑寒閱已九升沉事非一丁未同計偕君獨月三捷是冬  
我失怙星奔口銜恤庫成重來都投卷復遭乙歷年辛与士庇  
身思宰邑君時乘白雲高東活人筆硯亦騰祥光拂眼中出  
迴思持硯時喜極翻嗚咽然已投甲科重泉恩可答嗟余走塵  
土廢書乃讀律男兒憲一第本足致窮術所恨為人子先志不  
能述我亦有一硯温潤而頰粟吾父之所遺朝夕供佔畢今我  
將試吏色忽黯如漆淚眼旋糝糊墨凹損繡濕恐溷簿書間塵  
垢良奇質感此涕交頤置研不敢執

謝

壙

號金圃浙江嘉善人乾隆壬申進士改庶吉士授編  
修歷官吏部侍郎今官編修

尋梅和韻

歲寒我友在天涯乘興登臨異見之便爾松間成獨往若為琴

裏寄相思煎茶山寺逢僧處携酒江城待雪時長是索居憐避  
逅美人遲莫予佳期

翁方綱

字正三又字忠敏号覃溪順天大興人乾隆壬申進  
士改庶吉士授編修今官內閣學士

周林汲編修過訪

講堂繁露名取諸漢董子圖經說廣川即今景州是地界燕齊  
間頗悉師承肯夫子魯諸儒時應徵召起十年直承明一朝還  
梓里家餘萬卷書今方編摩始一經貴精專不在務夸靡選闕  
何從補對君汗顏泚

王文治

字禹卿号夢樓江蘇丹徒人乾隆庚辰探花陞侍講  
官知府

吹笛

吹笛扁舟楚水長碧天無際夜莖多情一片江南月直送行  
人到武昌

伯牙琴臺

伯牙千載後猶自有琴臺秋水澹無際莫山相向來曰余即古  
曲欲奏復徘徊但恐無鍾子素襟誰與開

可韵上人弹琴

韵師抱綵綺為我奏漁歌漢上秋風至楚江烟雨多指邊滴清  
露弦外有滄波便欲刺船去言尋張志和

中山王携首里諸公子見訪索新詩率賦二首選一

一行金勒響瓊琚公子羣過水竹居卅髮也堪千萬值綺年多  
是十三餘將離更唱紅蘭曲相憶應看青李書鸚鵡香醪斟酌  
遍不知明月透交疎

即事

那霸清江接海門每隨殘照望中原東風未与歸舟便北里空

銷旅客魂盡夜華燈舞鸚鵡三秋荒島狎鯨鯢他時若話悲歡  
事水上濤痕並酒痕

為女孫玳梁題水仙畫幅

微風冉冉無色淡月漾似有香更擬踈簾研曉露臨牕為  
仿十三行

赤壁

江潮滾來荆益岸柳青青接武昌年少登壇人似玉天涯懷  
古鬢如霜銷沈霸業苗山色歷亂征帆背夕陽千載三分多後  
傑風流吾獨愛周郎

胡東堂招同人北固樓觀大閱次日至快雨堂聽家伶奏

伎

大江橫截萬山青北府軍門擁畫屏鼓角殷雷驚地軸旌旗耀

日應天星三軍同誥招提路百戰曾焚老上虜指點陣圖忠義  
發燕然仍擬勒新銘  
自選新詞被管絃雖然幼小也婵娟伎衣深愧簾幃陋道字差  
欣齒頰圓昨日甲光臨射圃今宵髣髴影簇歌筵將軍陣馬文人  
筆如幻神通別有天

舟中除夕

退歸真學舊桃符歲莫空江一棹孤雪好更宜晴後看山遙却  
映水痕無年來官牘催晨夜此夕漁舟到畫圖休笑天涯成落  
落屠蘇猶得共妻孥

嚴子陵釣臺

無處訪高踪空山一釣竿那知天子貴猶作故人看嵐氣秋連  
水潮聲夜上灘雲臺廿八將何似客星寒

仙惠亭

仙惠枯來似古槎廢闌荒砌卧烟霞祇今黃鶴樓頭月曾照當  
年一樹花

馬伏波祠

一代公侯易平生款段難江關三楚盡烟瘴五溪寒路已飛鳶  
跼山愁立馬看靈旗風雨夜還似舊登壇

鄂王墓

鄂王埋碧血大樹撼迴風冤獄由三字邊塵沒兩宮前朝仍北  
狩宗社倚于公亦被青蠅構孤臣飲恨同

題楓林歸櫂圖

蓬牕一夜卧西風烏桕經霜盡變紅曾記石門城下過亂鴉鳴  
向夕陽中

梨花

白燕舞差池花飛影不知纏  
報春雨後門巷夕陽時香雪低蒼  
重殘雲引夢遲當年校書館紅上亞蘭枝

追修楔作

雨中忽過執蘭期久任西湖未有詩  
敢說敷書名追楔帖重將  
文譙補花時庭垂新綠搖簾檻人對殘紅  
撼髻絲欲就米家租  
半舫飄蕭江海任何之

再集攬秀閣

十日尊前此放歌玉梅花影正  
娉娉宵寒如水知春淺江濶于  
天得月多轉眼繁英蒼蘚積回頭  
往事白雲過故交有子俱成  
立莫怪勞人鬢易皤

韋謙恒

号葑軒安徽蕪湖人乾隆癸未探花授編修歷官貴州巡撫改祭酒

潼關

四扇潼關啓白雲高興齊人來斗極北  
秋入大河西一路鳥聲  
靜千山樹影低平生殊局促放眼吐虹蜺

清明寄諸兄弟

辭家三十載今日又清明碧艸向人長  
白雲何處橫鳴鳩添曉  
思歸雁作春聲遙識登先壟含愁憶鳳城

客至

客自故鄉來燈前作鄉語但言秋水寬  
一夜神山雨

夜起對月

衆籟忽以寧山月夜更皎攬衣獨徘徊  
秋氣入懷抱纖塵無自  
來獨立萬物表惻然念羣動何為太擾

褚廷璋 号筠心江蘇長洲人癸未進士改庶吉士官至翰林侍讀學士

鷺洲風阻

暫向荒洲繫荻蘆終宵拍岸浪花麤雲迴嶺樹身猶寄秋入江  
風病欲蘇白鷺有情雙漿狎紅魚無信一燈孤朝未素裕新涼  
驟那不蕭、感髮鬚

將至星沙作

筆沐茶灶散人舟風浪連朝暑暫收江上詩情逢舊雨天邊旅  
况入新秋健慚老去輸黃犢閒許歸來趁白鷗此地鴻泥忘未  
得蘭香竹色好句由

祝德麟

号芷塘浙江海寧人

癸未進士改庶吉士授編修官

時帆學士枉過論詩兼示近著二卷率成長歌一篇奉贈

時帆學士今名流好學精進無与儔玉堂退直開選樓琳琅金

薤隨所收力扶大雅希前修君近選訂同館賦詩往窮險幽

古心自鞭肝肺愁山鬼夜泣巴猿嘍長歌短咏篇什稠如觀武

庫森戈矛就中五字乃獨優長城言、誰敢劉高揖蕪州讓嘉

州郊島徒自甘拘囚擘開蘊藻茵菖抽纖眉威鬚蠲膏油赤光

寶燄騰精鈔披揀寧待沙中求約西丈室臨泥濘心光一線八

極游轆轤下上無停由三才萬象工雕鏤坐令庶彙情難度緊

余屏居星歲周閉門仰屋省悔九逢人悶默恒低頭破牕聲挾

霜飈颺落葉打階催百憂子未談藝軒眉酬珠璣沉復盈囊投

文章小技道之由詩三百篇義溫柔初非語必驚人休水盛大

小物畢浮全潮未容認一漚勸書養氣勤耒耜鯢鵬變化在海

洲魚蝦瓌細不足讐古人何能占千秋吾曹歲月嗟悠、

永平謁清節廟

百世此兄弟千秋多懦頑祠堂仍北戶孤竹北戶薇蕨自西山見尔雅

象有冕旒說心無爵祿班門前松韻古漳水共潺

過客臨關太息頻幾曾大義識君親共知博浪讐當復直恐秦  
庭哭未真故國江山一紅粉晚年城社亦黃巾而今剩有圓  
曲付与詩人仔細論

陸費墀字聖士号丹叔浙江桐鄉人乾隆丙戌進士改庶吉

士授編修官至礼部侍郎

首

春風坐遍魯諸生公退仍傳驥子經萬里主恩更六轟十年人  
望又三廳圖中景物緇帷樹海内湖山歷下亭太素有華華有  
實天心見亦在秋庭  
明湖秋接鵲山秋少壯蹉跎隔勝遊展卷愛他無底水誦詩引

我最高樓九師道在雲中鶴萬有心空海上漚珍重朝來披對  
處熙和門外殿東頭

湖上偶成

鳥下桑枝重魚吹細浪圓客閒隨步屣湖晚散游船疎磬收清  
梵孤燈破暝烟誰呼雲裡月朗到中天

管幹珍号松崖江蘇陽湖人乾隆丙戌進士改庶吉士授編

修今官漕運總督

蘸墨塗硃罷校讐珊瑚漫說網中奴東西初擬人皆陸左右總  
分意袒劉落卷未敢棄之筐中但左右排列已喜戴凭能奪席  
終憂李廣不封侯中箱已落仍開看恐有明珠海外投

檢落卷感成

丹黃次第不芳菲欲出藍時辨總非幾患才多遭白眼漫將命

薄委朱衣。有人暖谷回葭轉。昨夜秋風送葉飛。束筍編成三嘆。置蒼茫從此撥雲稀。

邦城營五疊闌中韵

漫將三衛界分明。風入秋林自在鳴。出口馬蹄嫌石滑。避寒雁影就燈行。夜光得水空于月。曉集看人衆似城。來去迎臺山色好。紫雲多處衆呼聲。

陳嗣龍 字紹元号春溆浙江平湖人乾隆己丑探花今官翰林侍讀學士

徐西澗 同年以詩來多嘲謔諸同年之語次韵答之

昨朝郭外車塵跡。劉郎修禊誇秋後。裁詩却笑閉門人。秋色何曾到神牖。約客笑成秋後禊與閉門應悔失奇遭皆純齋徐君見事良獨遲。跳躍有如博者負。新篇雜沓互嘲謔。毋乃謔甚逞鞭杻。茲晨理楫夙願果。盡拓船牕看楓柳。水雲匝岸影微皺。樓

觀陵虛勢殊陡。我聞清遠數吳興。來往菱童及漁婦。白蘋洲外

蘋花香。溪水林風響。相叩清福由來造物慳。泛宅浮家事原偶

吳儂生長水晶宮。呼作水仙比蚪蚪。蚪蚪一名水仙子一從水國別經

年空餘詩作蛟龍吼。曠宕非無雲海容。脩開詎是江湖手。烟波

隨處放船好。尚憶苕溪雪溪口。當年底用悵風塵。慘淡經營還

記否。贖有青山供嘯傲不堪我輩尚風塵及字旁達皆荆璞

家餘不矯情作達。吾不許壯遊。差勝鄉閭守文人。結習例相輕

孔璋畫虎還為狗。古誠有之今亦然。能詩徧及同年友。已嗤宋

人寶燕石。苦爭東瑟勝。西岳評量人物互短長。檢校才華幾弁

斗五角六張。譏掣肘一意兩出。陋駢拇粗豪意氣故自佳。欲驅

泥鳴鞭石走朝來。詒我驚人句。盪露開絨握佩。政風流只苦濟

寧王剃面薰衣豈堪耦。東詩嘲蔭臺云薰衣剃面撫山範水意



自足輕薄為文我何有莫倚吳中富文藻休誇鄉味饒萼藕截  
趾遠履終嫌迂且食蛤蜊飲醇酒軟紅深處開魚天既田頗足  
上下酉水經支脉儻誤注考訂源流將曷取西灣詩中言二閘  
傲誕空希杜陵杜顛美從輸柳州柳來詩嘲予云晉秩不斯游  
信樂再亦得未了吟情重抖擻淡煙斜日分青紅谿谷為北邱  
陵牡他年好作故事傳水紅花下展重九

吳女曲戲為同年生納姬作

屏山六曲飛香雨綠窗盡日教歌舞紅豆聲低白紵嬌人間祇  
解誇吳女吳女貌如花盈、勝若耶天風滿帆腹吹汝上京華  
京華游騎紛馳逐乞相郎君好裝束不辭買笑擲金錢但願回  
身逢碧玉碧玉小家女琅琊大道王相逢不相識僥倖賦催粧  
却扇休輕贈艷色羞偕魚婢媵小妹從知勝阿兄那能低首隨

鞭鐙款語許分庭朱門綉幃停詎同小艇迎桃葉還復雕籠貯

雪翎鷓鴣瘡妬應難恃我見猶憐聊復爾裁取元家蕙碧衣稱

身新樣令公喜簾紋佩響隔蓬山玉映紅遮苦太慳不分細君

綠底事也將消息限重關同年生頗秘其事其夫人亦不令人知金鈴翠幙深

護咫尺那容花影露豈有洪崖可拍肩定知李十偏工妬心字

香薰田字窓跣趺小像禮蓮幢直湏化作鷲、翼私語風前也

自雙瘦牛駃女愁催曙情到深時天亦助夢惡難招阿母魂息

息大婦登車去紅珠斗帳苗紗涼此後良宵分外長絕勝從前

惟一坑高、懸橙當匡牀朱弁詩一坑且陸伏懸橙二字本晉書韋仲將傳朝眠夜飲

心情倦舊游多少天堂吳中諺云上有蘇杭香徑春風杏葉韞珠

簾夜月桃花扇近來風味可能便說餅評茶搥惘然學士祇應

烹雪水名姬何意噉榆錢新歡草、憑消受耳邊差免河東吼

並命真憐被底鴛同曹錯認川中狗深藏畢竟外人知寫翠傳  
紅襍信疑賤直翻羸珠一斛巧心曾結網千絲仙侶招尋復何  
益麝薰不散春無迹已悔空中拜蔣侯肯教花底迷秦客秦客  
冬烘亦可傷焦頭爛額劉蒼黃思歸為惱青鸚鵡罵坐從遭老  
鴟鷂鷓鴣相倚久生女居然士人婦報道青楊柳枝未  
甘攀折他人手垂楊垂柳掌中身籠月籠烟望未真甲帳綉縵  
俱好在咏花人豈物花人花葉書來紛萬緒天衣無縫凌風舉  
饒伊山鬼儘披猖自有清霜飛綺語忽愁綺語墮泥犁妙喻常  
聞李玉溪我為度成吳女曲更無野鶩儂家雞

題畫扇寄友

晨露被中林光風汎長阪是時蕙草帶花氣最清婉眷懷同心  
人折花詔道遠

題秋荷畫幀

水花倩影碧迢迢水上清香葉最饒深夜雨聲和漏滴不須簾  
外種芭蕉

重宿王氏園亭和壁間褚筠心前輩韻四首

近市塵偏遠真成且住佳晚花低映竹秋實細當階石色如人  
澹禽聲與客諧乘閒還把臂比舍有吟儕

幾日看紅葉重來蔭綠天霜華憑點綴樹影得清圓讀書雲生  
壁敲詩研滴泉僕人貪偃卧那解愛便妍

後先持使節鄂渚憶移舟題壁詩應徧籠紗點尚留  
謂筠心輩  
題後白  
華雪門兩前輩過此俱有和  
章主人皆以碧紗籠之矣風裁仰前輩款洽荷朋儔檢點曾

經地涼蟾已再週

旅迹原泥爪倏然客思增林深遲夜漏風細颭秋燈小憇何嫌

久迴闌取次憑皇華期報命信宿敢云能

題許蘊亭孝廉冷烟樹圖時蘊村方為人校書故末句

戲及之

冷家橋外村南北密樹濃烟不辨層讀書好尋三畝宅署衙偏  
稱一條水吟邊汲爪飛鴻雪夢裡檐花細雨燈如此鄉園歸亦  
得苦拋心力校籤勝

李堯棟

字東采号松雲浙江山陰人乾隆壬辰進士改庶吉士授編修官江寧府知府

東河道中

山勢平馳萬馬形一峯深黑一峯青陰晴泉壑秋容異木黍高  
原盡日暝石產青州多怪愕雲來泰岱倍神靈憤王埋骨山阿  
處若有人兮雨晦冥

韋葯軒中丞秋林誦易圖

公真韋相傳經後我遇張充學易年示我湖山開絳帳知公家  
世舊青氈此亭歷下人千古木落秋風手一編誰共趨庭親授  
受魯諸生在誦堂前

玉節西南幕府清歸來依舊直承明平生定有三爻夢此卷曾  
隨萬里行鴻爪泥痕春雪影離華山色莫烟橫明湖自古詩人  
地不畫談詩別有情

鄒炳泰

号曉屏江蘇無錫人壬辰進士庶吉士授編修官內閣學士

秋晚自北塘泛舟至許溪橋懷鮑若洲

日落信歸帆清月在湖水幽人攬餘景雲水蒼茫裏新渚宿春  
鳧澄波泛白芷微風牧唱疎露久漁燈徙前山木半落稍、見  
墟里秋野雖見遠夕烟寒不起平橋月如積長林風未已獨立  
望西齋惆悵巖居士

秋日山行

秋色不遮樹鳥聲來更稀  
人行孤澗曲烟宿一峯微  
斷碣前朝墓歌松故老扉  
我尋高處士清絕釣魚磯

長樂寺望雨

風雨湖上多秋聲響終夕  
高齋遙遠目濛，鄉樹隔岩際  
白雲深溪上蒼烟積  
伊人滯山北何處尋行迹  
言念靜時趣誰似山中客

吳門逢李子林

春風吹暗吳門柳行人長亭短亭酒飲馬橋前途子林  
掀髯一笑情何深紫駟馬青紈扇兩鬢蕭，集如霰  
長游宛雜幾歲年故人泣別難相見一尊相對心事違  
悲歌未已露欲晞吳姬笑拍大堤柳春花亂落吳兒衣  
汝歌我和拂袖起對酒何為悲不

止琵琶亭上春欲歸詰朝離思潯陽水

雲溪草堂訪王子履齋

小屋沿溪住春來勝事賒晚風疎苦竹細雨下桐花  
乳鳥新翎換秧魚舊斲斜山童休問姓十載故人家

與子重離別翻令客恨銷青山美雲壑白髮共漁樵  
問種知靈藥登鮮到海鯤新思多感舊我亦鬢蕭，

時將北上別若洲阿巢封齋諸子

渺、疎林掩落暉故人尊酒又相違三年鄉國真如寄  
千里京華轉是歸夜雨蓉湖新恨集西風鶴墅舊游非  
如何未別先相憶離思兼秋淚到衣

初秋江閣書懷

新移小閣近松坡涼雨收時少客過送別年來詩味苦  
聽秋江

上角聲多書攤曲几吟蝴蝶時錄謝無逸樹老南軒感橐駝千  
里歸雲勞遠夢一尊相對夜如何溪堂集初後

### 雨花臺望大江

走馬城南落日低高臺秋霽自攀躋帆連峯勢時爭上山控江  
聲欲向西初地曇花猶散谷六朝春草自平蹊水光憇翠長如  
舊論古何嫌物我齊

### 永濟寺

積翠上烟霄懸崖不可招佛幢依屋洞毗閣挂山腰寮靜僧分  
竹江寒客候潮登臨從小憇燈火話南朝

### 秦淮水閣

閣外飛霞迴出塵水邊簾影不勝春遺聲南部名空記芳草東  
風路有因夢裡新愁衣上酒花時細雨渡頭人離心合似青溪

### 水夜：波添曲墅濱

陸錫熊字健男号耳山江蘇上海人乾隆辛巳進士由中書

法時帆學士題山寺論詩圖即次卷中翁覃溪閣學韻

我叅香印叩應真非烟非火銷微塵來何所從去何著此意乃  
得於詩人煎膠續絃世誰有空山流水雞鳴晨觀音十二無正  
面悟到聖處能知津碧山學士抱吟癖覓句苦似彭城陳閒倚  
山寺問詩法畢竟何處詩堪論人間不少搭板漢語言文字徒  
紛：華嚴樓閣彈指現鏡月強喻還非倫絲韉解後牛自在窗  
紙鑽破蜂安存宗唐禰宋互癥結就了內外窮三因君今一滴  
識海味辟支果已超聲聞長安花事方爛熳且鬥好句酬青春

吳錫麒

字聖徵号穀人浙江錢塘人乾隆乙未進士改庶吉

### 和瘦銅初寒新葺小齋韻

閒房料理要消寒，叢襍琴書一榻安。  
花戶油窗添眼亮，竹籬茅舍最心寬。  
酒家拚欠尋常債，座客難分大小冠。  
十月開爐應有例，好催菜把送園官。

胡書巢王若農臘月七日招飲

蓬萊閣上賢賓主，海月招來共此宵。  
名士酸寒燕市酒，宦途消長秣陵潮。  
頭顱冉冉衰絲意，風雪匆匆短燭燒。  
歸去梅花鄉夢遠，早催粥鼓起禪寮。

嶧陽值霰頗有雪意

枯麥朝來氣欲醒，天教急霰灑郊坰。  
烟光到樹水先白，雪意在雲山轉青。  
市小喧鳴酒屐途寒簡，咽車鈴陰晴久信農家課。  
昨夜誰人瓦卦靈。

河間

疎星吹冷五更風，客意蒼茫古道中。  
地勢最雄瀛海郡，名流猶說日華宮。  
馬馱殘夢穿城出，烏喚朝光隔樹通。  
不是河間逢姪女，那知世上數錢工。

嘉善道中

菰葉尖，荷葉圓，追涼無此水鄉寬。  
魚簾似雨船頭響，塔影無雲郭外看。  
楊柳蟬聲徒宛轉，桔槔人力歎艱難。  
高人不見梅花衲，誰寫蕭、竹數竿。

中秋作

纖雲淨捲碧天寬，秋氣橫生白露寒。  
昨日花先高閣放，今年月在故園看。  
瓊樓玉宇虛空接，銀燭清尊老幼團。  
轉憶長安多酒伴，幾人念我起張闌。

望亭

三十里程夕照殘鄉關雲樹望來難旗亭過客不知數野水與人同此寒到耳喜聞和板急得風微覺緯繩寬行已盡吳江路賸有霜楓幾葉丹

虎邱四首

虎氣銷沉鶴市荒東風容易客迴腸真娘墓上年、柳畫了春愁畫夕陽

水閣家：風慢開畫闌曲折粉牆迴冶香紅似落花過快櫓瞥如飛燕來

度曲船窗認綺叢賣花門巷識春風吳宮舊日繁華夢却在青青草色中

看紅看白數花枝傳唱朱翁樂府詞一半櫻桃一半笋送春天氣不多時

秀溪橋即目

碧沙洲外水風斜兒女漁船聚一家賺得老翁沽酒去夕陽晒網馬櫻花

滌河雜咏

萬峯紫翠互盤迴歲：曾經玉輦來麗正門開初日照五雲端裏現蓬萊

三川滙合足烟波酈注曾標武列河留與紅幢照奇字蒼鏿峯下夕陽多

宮殿千秋儉德傳不施丹籙任天然堯階迴在雲霄上畫出松雲一片圓

印度西來佛教長高僧誰繼蓋頭堂普陀寺裏華嚴海花放金蓮作道場

瑤花天上散紛紛，落葉長松挺瘦身。頑石也成羅漢果，雪山面  
日本來真。

月黑腥風獵，從道旁吹折幾枝松。明朝好試飛鎗手，一路寒  
山躡虎踪。

紅珠夜合不常新，野鴨孤棲打起頻。拾得一雙畫眉卵，要來贈  
與畫眉人。

火種刀耕歉歲稀，炊烟滿起隱斜暉。尊前風味年，憶杭稻登  
場黃鼠肥。

林間俊鷲怒毛蹲，枯木寒烟畫裏論。何似白翎彈一曲，琵琶絃  
上黑河翻。

新春白粲玉漿寒，宿醞紅泥乍圻墀。鮮鯽無鱗磨釘地，未須蝦  
菜憶江南。

題梅道人墨竹

梅道人賣卜春波裏，得錢沽酒飲不已。醉後槎枒芒角生，夢魂  
飛渡瀟湘水。一竿兩竿搖夕陽，旁抽新笋三尺長。曾中自有成  
竹在，不妨紙上隨低昂。雲溶溶，兮烟蒼蒼。南風吹來疎粉香，却  
思今日是何日。竹醉不如我醉強，開萬樓中多墨寶。動我相思  
此君好年，風雨籜龍吟。聽到秋聲較秋早，美人翠袖何日還。  
對此恍惚疑家山，願邀載酒入林去。長鑿劖笋於其間。

太白酒樓歌

玉京縹緲謫此飛，仙人樓頭一醉三千春。錦袍烏帽今何在，綉  
拱雕題眼底新。雪花如掌穿窓牖，那得一杯常在手。白雲樓角  
水樓前，倒看青天揀北斗。高吟白也詩，動我長相思。古時月比  
今時好，照見狂歌被酒時。大兒郭汾陽，小兒賀季真。雄劍常在



匣紫綬不挂身廣張三千六百鈞如何醉過三千六百旬天驚  
石破酒人出招來黃鶴為主賓進瑤尊倒玉尊作詩一笑天應  
聞鯨魚跋浪樂莫樂人間偶現青蓮身我生不獲從公游日莫  
蕭、倚此樓黃河西來色如酒恨不壘麴成糟邱酒人上天去  
酒星如石頑我今誰与酣浮白於其間帆飛、兮極浦車勞  
勞兮問闕謝公所居之青山思君顏色何時還蓬萊咫尺仙人  
遠汶水城南瀆復瀆

送客渡江

西風吹柳盡無靈挽長條且醉故人酒送君乘莫潮言經梅福  
里相訪藉山樵隔江明月照余夢亦迢迢

送沈吉堂同年丙出守銅仁

清歌夜散故人筵玉節朝傳五馬邊春遣鶯花開驛路山迎笳

鼓入蠻天吟詩燈暗桤柳雨賣劍民耕木箐烟燕市酒徒勞記  
憶寥、同榜十年前

戴蓮士修撰衡亨汪杏江編修學金同賦白芍藥詩邀予

繼作四首

石首魚來春去時冰姿晚出不嫌遲每從西掖誇高客曾向南  
禪見一枝冶絮為雲爭綽約落花如雪怨前離前身本是瑤臺  
種肯逐風塵便化緇

洗紅樂府轉新聲滴粉搓酥莫漫評臨水似逢瑤珮解當階真  
訝玉盤擎白描畫裏思顏色素問書中見性情舊日紫薇郎恰  
對冰銜已換一條清

蓮士杏江皆由中書  
登第改翰林故云

渲染何須仗化工萬花高會素心同擔來清曉豐臺月洗盡浮  
華鄭國風愁不勝簪絲髻底淡真如水膽瓶中分明又結揚州

夢瓊樹移栽到綺櫳  
水晶簾冷宿雲沉  
繭栗梢垂粉蝶尋  
離垢淨于菩薩面  
和羹清到相公心  
破禪香味何曾淺  
婪尾春光不肯深  
試看白毫齊涌  
靈萬年枝上日華臨

過祖氏園舊址

杉柳陰濃一徑斜  
午風有客踏晴沙  
聞蛙小判官私語  
種藕雜開紅白花  
苔館已添新畧約  
水田猶學舊家裝  
百年主客郵亭  
似莫數王家更祖家

碓米

喧聞鄰碓我愁饑  
雷轉空腸坐詠詩  
債廡知名士意下  
春又是夕陽時  
半生薺白甘辛苦  
一枕黃梁謝餽遺  
屈指收租船到  
日炊烟歷、憶茅茨

醃菜

劖來野圃帶沉香  
白蓄經冬料理忙  
風雪光陰如有約  
酸醃嗜好未能忘  
酒人燈下餘情惡  
笋事江南此味償  
食肉我知無骨  
相不愁夢許蹴蔬羊

買炭

開爐會啓小春初  
欲挽春光到敝廬  
高價恣同燕市酒  
殘年喜荷故人書  
火通面、灰徐陷  
香試心、篆小如  
贏得煮茶風景  
好消寒排日課三餘

寄家書三首

家書才一帙  
曾底鬱千言  
婚嫁愁今及  
田園念昔存  
寄鴉徒歲序  
去雁又黃昏  
照見江南月  
浮雲此地屯  
不知甘旨缺  
空有夢魂隨  
自覺難為子  
何堪更教兒  
功名兩字

誤泣淚幾人知。敢祇田園憶年，老髮絲  
北風吹急雪。高屋撐枯蓬。兄弟江湖外。交親老病中。茫：真欲  
絕。絮。不能工。客下清淮去。寒流正向東。

徐如澍

号春帆貴州銅仁人乾隆乙未進士改庶吉士授編修今官給事中

平定臺灣恭純

淙落琉球。駸員暹哈。喇昕三山。容窟宅七。海解耕耘。飲墨憎貪  
吏。當車奮爽。文土民張大義。上將策奇。勳虎耳朝。乘勝雞籠。夕  
掃氛弓。旌齊指賊。鏢弩不能。軍魄補鯨。見縛魂游。鴨母。塵草寮  
安。賸社。灰骨破。妖墳捧。

詔心先草。犁巢手未。靴綵絲神。鍊腕柳梳。蔗粘齧。醜尾侏。優壓  
烏頭正。倒分隔年。供菜。變唇。餉拌。烟薰。坐泉無煩。靜雷。颺已。慣  
聞。鷺筒。書自便。龍碩。用辭。勤姑待。釀如露。彌勞。聚若雲。項圍。猫

打臘身著。達戈紋。但許羅翁。飾寧忘。副邀欣。呵嚙。傾酒。甕款。意  
舞歌。裙逐。魚。蝦友。依。庶承。羣祇。今麻。達萃。同頌  
聖人君

費改齋先生除銅仁邑下問方宜詩以答之

詩載秦州集。歸舟倚釣蓑。人生行樂耳。其若為貧何。琴鶴高風  
在。雲山此地多。好煩疎雨洗。秋色儘吟哦。  
問俗湖南似。勞形案牘刪。江喧邨市近。花蕊訟庭閒。試若能消  
渴。煨藟說駐顏。樹光相映發。人在翠微間。  
飯糗長腰米。盤堆小甲蔬。年豐庖有肉。客至釜烹魚。野店茅柴  
酒。人家種樹書。循聲容易致。民是葛天初。

讀改齋溪署詩存稿

移竹開新圃。誅茅置短檐。剛容三徑曲。畢露衆山尖。詩格丁年

健觥籌子舍添何須愁紙貴官給不妨廉  
如動古琴搯如傳流水聲那消詩白盡已覺道心生歲月供吟  
誦文章見性情好游仍薄宦敲鐙又荒城  
李鼎元 号墨莊四川綿州人乾隆戊戌成進士改庶吉士授檢  
討今官內閣中書  
立春日有感  
歲月不相待行人空白頭青歸楊柳岸春在木蘭舟把酒聽村  
鼓裁書附置郵韓公何處識雨雪過荊州

雨

荆江多驟雨一半是濤聲客夢風中斷春帆霧裡行山嵐朝不  
散漁火夜偏明西望三巴遠愁牽萬里程

施粥行

五更粥熟天欲明貧民招邀聚沙汀手捧土歡携兒女一人一

瓢不敢爭道逢老媪年八十腰脚酸痛走不及到遲反遭昏役  
罵餓倒廠門無人給縣令聞之心惻然叱回昏役朴作鞭從此  
粥廠恩無偏貧民一飽百無事捉虱負暄頌良吏

汪如洋

号雲壑浙江秀水人乾隆庚子狀元官修撰

雜憶京師食品四首

安肅菜

歲晏風雪餐旨蓄籌瑣碎嘉蔬重畿南玉已皎可愛沙深地脉  
鬆根甲易培溉論把不計錢畦卧賤磔塊呀啞獨輪車捆壓向  
闌闌纖芽揀嫩黃皺葉洗汲穢宜齋亦宜肉頓：久堪耐甘鮮  
玉版鄰軟熟出酥配餘付臍甕醃生嚼爽脾肺貧儒粗糲餐一  
飽天所資客游非遇饑傳食冬閱再阿迷產亦佳草：慶貪喙  
滇中阿迷州亦產 求益嗟已愚閉門吾未達此味知者誰敢告  
此菜味似較遜

士夫輩

鱈魚

海物關東來菜市鬪牙鬻西風曉店腥巨擘惟汝獨彭亨首如  
龍鱈魚首如龍艇列類乾鱸一頭百餘斤堆累高塞屋腦融蜜  
珀黃在骨不在肉吳人誇甲脆此更取肥漉膩非鯪首膠腴勝  
石花腹南船到冬笋笔以椒蓼馥豐肌愁爛消湯火慎遲連年  
年寒暖會茲味冠鼎餽辛盤價漸低凍解忌春燠鱗腐齊尸橫  
脂流董臍縮封藏法誰擅窖出待三伏瀝淘汁更清蕘臭傲鱸  
鱸昆池浪名海蝦蟹窘衆族秋情感李鷹歸夢腸轉轂

鹿肉

木蘭秋合圍曠野麋鹿走割鮮飛鞞馳箭筈新脫手重載拉國  
門蹄角冰雪厚支截或塊分軒切辨絲縷糝熬醢醬乾東壁出

斗酒其珍尤在尾毛髓妙刮刮歲除例賜駢書房年例人得數  
與文雉偶密裹漿暗融温蒸血成黝服修釘銀盤方法大官受  
兼旬鎖印閒用以速賓友龍樓隔天際樂事莽回首笙簧草蒿  
壯志在郊藪

糖燭栗

暑短風復淒茆店酒錢貴檐前燭栗香未到先得味砂傾火漸  
紅杓攪釜如沸揀淘蝟刺除調燮蜂錫費以深爆偶然殼綻熟  
猶未售歸不數蚌出袖温有氣兒童慰饑涎瞬息食之既山家  
煨芋爐風韵殆髣髴蜜椰嚼栳柳清靈滿腸胃官厨聊效鱣品  
格已涇渭轉憶故園豐秋收足凡彙蕨薇亦可餐口腹太無謂  
陸伯焜字重暉号璞堂江蘇青浦人乾隆庚子進士改庶吉  
士授編修歷侍讀學令官吏部員外郎

澄懷園作

雲韶近接 禁垣東一縷清歌颺晚風玉笛未殘鐘磬響又聞  
香梵出花宮

夢回薇帳夜堂幽蓮漏丁丁送晚籌烟鶴一聲山月墮松風荷  
葉已如秋

小院微陰長碧苔玉簪濕雨未全開孤花剩有戎葵在似伴幽  
人入戶來

荷葉蕭疎點翠鈿翻風多倚采蓮船凌波不見紅衣舞孤負雙  
鴛對月眠

曾

煥

号賓谷江西南城人  
主事今官兩淮運使

乾隆辛丑進士改庶吉士散館

弔王粲墓

建安才子埒曹劉玉樹長埋土一邱愛士是誰能倒屣依人不  
易漫登樓楚江日夜波濤濶鄴下宮臺草木秋詞客有靈何以

慰七哀讀罷使人愁

金日磾詞

休屠王子西方俘識字乃作養馬奴君王一日賜湯沐貴戚愛  
不若大夫閼氏特詔入圖畫美兒既殺為嗟吁霍家他日女為  
后公女不肯居掛塗莽何羅者江充徒已戕太子懼及誅是時  
甘泉帝行幸公得小疾方卧廬倏然奏廁覺心動卻入坐內立  
戶隅亡何何羅袖刃上見公色變急走趨行觸寶瑟僵厥軀為  
公所獲驚一呼旋復梓之投殿下逆謀始敗公始愉公之忠敬  
主益孚乃屬少主令匡扶公曰臣以外國子不若光也堪無虞  
封公明日有遺詔再拜稽首讓不居直須病困瀕且死然後卧  
受通侯符公与子孟貴近俱子孟之後旋剪屠而公世有忠孝  
節寧非公也能貽謨嗚呼寧非公也能貽謨

吳退菴以尺幅山水見惠長白奉報

白菴退菴今弟憐我居無竹為寫瀟湘萬竿綠退菴怪我不歸山坐

我麻源三谷間三谷人家聚岩岫屋前屋後飛岩湫野水平田

鳧雁多秋林返照松杉瘦冰綃一幅初携來是日天陰風怒

頓疑山雨欲飛出勢猛復愁厓石頽卷畫依然軟塵裡猿驚鶴

怨十年矣山靈縱未傳移文但見丹青欲死退菴畫手誰顏

顏難弟寫尤擅長何日相從入山去幽居適遍萬蒼筤

劉錫五号澄齋山西介休人乾隆辛丑進士改庶吉士授編修官中書

和元人齋中咏物之四

蠹簡  
成仙不在字貪食意何如故紙分籤架飢蟬聚族居一痕錐脫

頽斜度蚪為書刀筆應無害黏鈔付小昏

殘畫

豈解通靈去糝糊墨一圍收箴聚散經款識辨依稀金粉前生是

烟雲過眼非僧繇雖善點壞壁不能飛

舊劍

氣銜蛇當道精藏虎卧邱徐陵曾見掛豐嶽若為求陸賈裝難

問朱雲請亦休不堪天外倚只合買為牛

斷碑

不朽何曾在千金屢顯高名將貞石託物有劫灰遭牛礪殘跟

肘雷轟失負鰲翁秦與漢聚訟亦何勞

又喜雨

我生苦多愁遇雨以輒喜方春膏雨足傾倒以詩紀而今喜更

多長言不容已四月長養時百穀芳含蘂嬰兒絕乳哺立可得

餓死側聞禱桑林我

后亦勞止老農籲向天急汗若流泚得此一滂沱呻吟應時起  
我家掃倉箱厭飲行可俟我生天地間公麼不遠蠹腰腹總如  
交食粟其能幾怒焉終歲憂豈必皆為已待予怛化後稽首天  
帝陞公卿非所任仙佛亦不企列星豈我儔惡道或免矣願為  
及時霖澤物如醪醴

連日聲喧颺風伯惡作劇雲生輒掃之似有夙隙異事說今  
朝花鈴竟晝寐得毋觸帝怒土囊遂閉塞雲得所展施油吐  
瑤碧悠揚歷昏旦釀久酢成液不嫌發之徐所恃厚乃積果然  
大破慳手滴下澤尺齋前有叢竹日夕望穉穉得意在崇朝生  
意興也勃可憐爾蚍蜉何處着氣力吾生日嬉々終賴怙冒德  
作歌咏太平殘膏日焚炙生非制作才雅頌諒非職聊消飽食

愆猶或勝博奕

代州弔孫白谷大司馬

扼險非閔鼠兩端定知孤注擲誠難覆車不鑒松山箭滅竈難  
傳魏國餐堅壁亞夫心自赤抽刀李相血空丹誰教閩外無專  
制靈寶哥舒往例看

監軍同日叩天閭不負尚書養士恩紅粉訶姬無信息青箱累  
葉有兒孫斷頭已畢張巡志累草難招下孟魂賸得淮王舊雞  
犬老拈班管楚聲吞

繁峙道中

十里一墩過前墩已在望野漫沙似水風疾草如霜莫景斜陽  
短窮邊道路長原頭星點夕日下牛羊

曹振鏞

号麗莖安嶽歙縣人乾隆辛丑進士改庶吉士授編  
修今官侍講



牽牛花二十韵

野人曾謝藥田畔正牽牛小草生爰始嘉名錫  
所由抱藤拖雨滑走蔓引風柔蘇徑披三夏苔垣繞四周荆榛偏有約東坡詩  
何畏詰曲自牙藤走尋蕭艾肯為儔萬條帷密垂葉幄稠  
荆与榛如有夙昔約仙香裏七夕高艷掇初秋放近穿針院開承乞巧樓隔雲情宛  
轉伴月意綢繆金露涵逾淨銀河洗更幽共姑應挿鬢織女合  
簪頭種豈青雲乞苗如碧玉抽星光終古在花影幾枝浮蛛胃  
絲橫絡螢粘火碎流庭虛宜朶夜永自悠旭日蒸纒透斜  
陽照不啻含苞和霧斂墮蕊帶烟收晚實梳同結朝榮槿共愁  
妝臺疑散黛籬落快迎眸遙憶鄉園感何時繫犢游

六月十二日涪翁生日拜公畫像

北宋詩人蘇與黃公得坡翁名益彰古風二首知音揚聲名從

此相頡頏至今照耀墨色光慶歷五年宋仁皇朝熙門穆海宇  
康天欲萬古斯文昌東壁夜半森光芒公乃下降生豫章如麒麟  
麟出鳳凰翔讀破萬卷神軒昂作為詩歌光燄長筆鋒犀利真  
干將佳處不在調宮商一時作者聞風僵誰敢輕戰爭雄鋸篇  
分内外師蒙莊晚歲著述尤煌煌七百餘年詞翰場片紙隻字  
家藏公之作吏古循良黔黎愛戴如甘露史才何愧校書郎  
其氣壯者其詞剛如何章蔡爭摧成竟使遷謫罹謗傷老死不  
復升廟廊况公天性非尋常孝乎惟孝萱北堂我讀公傳心傍  
徨拜公遺像不敢忘六月赫火傘張妄想甘澤叫闔闔天公  
解事風雲颺一雨一日天清涼再拜敬奉一瓣香奠桂酒芳羅  
耕漿更約年為此觴公其享我嘉薦芳異世相感遙相望神  
游何處來何鄉但見虛白生吉祥皎落月照屋梁

題梧門前輩溪橋詩思圖

繁花香鬥艷好鳥正翻飛乘興適然至主人歸不歸水聲三里  
五里柳影千株萬株有杖藜而過者好風亦與之俱  
詩囊佳付詩筒趁此溪流汨汨通童子也知吟興遠伴君閒立  
小橋東

吳定 字履慶号滄泉安徽歙縣人諸生

懷閔宛中

富貴慕新人貧窮慮故知如何我與子終日各分飛慷慨一長  
歎出門路多歧此身一失所駿馬無由追咫尺雖秦越托足毋  
相違明月經中天照見君容輝人心有圓缺君心諒不移

感興

翩：燕西逝肅：雁南飛人生羅網中一步一徘徊達者觀中

變高蹈山巖隈衆方馳通津獨與窮賤期殷勤踐階草芳馥欲  
何為

金陵舟中作寄示子邦俊

白日有時沉大江長浩：出門知路難獨卧知霜早憶昨別家  
鄉齒髮未云老秋風一以飄繁華忽枯槁高節值時窮骨月焉  
能保死生各有期明德以相考

寄弟宇

南山有異卉十年始芬芳秋風雜以雨馨香盈路傍今子滯江  
西有如璞玉藏自顧非不材輾轉未為妨吁嗟天一涯兄弟如  
參商駢牛乏人鞭耕耨母乃荒浮雲萬里來白日不得長行樂  
須臾時沒世空悲傷篋有大小珠佐以雙明璫歲久蒙清塵中  
夜自輝光

對雨

西風捲潭雨一半上青峰峰翠忽滅沒潭花時淡濃坐來不覺  
暝微月出深松於此發深省前途慎所從

別程俞師

高樓明月光中夜起傍徨游子登長道浮雲返故鄉澤蘭含水

綠岬菊受霜黃未得同君采新知祇自傷

李憲喬

字子喬一字秋岳号少鶴山東  
台試賜孝廉今官廣西知縣

人懷民弟

寄王蜀子

虛窗斂夕色高卧對疎松却憶南山侶獨聞西澗鐘月生栖鶴  
樹雲濕挂泉峯採藥昔相訪綠蘿千萬重

贈王丈太初

早歲宰江縣歸來仍一經袍當寒日破腫似古僧青客散村中

路林明雪後星時間有高能詠使酒人醒

雪後宿山家

一徑沿溪口漫：天向昏鳥栖微辨樹犬吠始知村積楚帶茅  
屋寒烟壓竹門山翁常不出爐火尚餘温

冬莫村居雜咏同仲敬作

有道嗟身棄無成感歲遷槎依斷冰渡鴉計欲風天凍酒難為  
醉昏窗易得眠向來諸典減不廢是詩篇  
獨出無伴侶野吟行過橋夕陽寒飲犢殘雪莫歸推嶺樹看時  
滅汀烟去處遙蒼茫却回首冷月破微霄

蟬

應是不能休非惟無所求吟長欲竟日思冷直先秋過雨山村  
路將香水驛樓年：為客聽知白髮人頭

雨後對月懷石門精舍

苦愛澄秋月初晴望浩然亂雲歸大壑涼露濕空天山淨無由影潭虛得靜緣因思道門友永夜獨安禪

雨中游張氏園亭

閑園獨來望石徑雨後荷氣涼於水竹煙高似雲開軒對秋色捲幔已斜曛餘響在空翠人間不可聞

黃山谷有和蘇子瞻次韵李太白潯陽紫極宮感秋詩追

懷太白子瞻因繼有此作並懷太白子瞻山谷

虛腹納空江浩然森萬竹有時醉吐出清光兀可掬狂態見已衆直氣信有獨我如不鳴雁所善僅餐宿舊學尤可陋宛轉類醫卜抗懷三謫仙連袂去不復遺此龍蛇文指目日三覆強和雖未妙劣足勝柔熟

濟上田家

日入烟氣合農務向昏畢蕭蕭豆葉聲秋野曠無物場淨欲下兒喧月初出野風吹虛宇燈火夜紡績悄焉忽有懷十月未歸客

投宿馬寨村贈徐丈

野田月暗行遲微溪風颯林雨飛悵然去迷所往但聞四野虫鳴悲一木橫秋漂復沒欲渡不渡懷憂疑隱烟斫樹連處似有竹屋歲疎籬夜色森沉静鷄犬有客何來驚叩扉老人卧病不出户情親親重言語遲便為鋪席具羹飯釜中煮寒盤釘梨我行已久去親遠燈燭照顏如夜歸紙窗細雨轉蕭瑟十年存沒相顧歎不辭痛飲為公醉酣然一卧連晨曦

書王令書後

有宋諸子皆學韓。誰其首者梅都官。都官腕有退之鬼。雖無其  
貌神則完。左蘇右石列鼎足。大抵籍島爭酸寒。坡公天授得其  
氣。騎龍扶髮相拍肩。西江得味坐苦澁。口焦舌敝愁肺肝。對此  
令人意不快。遺法峻峭增。苗後山就中。王令今年最少天。教冰雪生  
其顏。學韓得骨不用肉。皮毛剥盡猶鱗鱗。直氣入地不淪滅。力  
能起誅久死奸。凍蛟僵立騁餘勁。雷燒樹劈峰撼天。向時欲讀  
氣先結。有如石屏無隙鑽。邇來稍近意頗忠。中有至味非辛酸。  
乃知古心出江海。與世阻絕如羗蠻。意氣不下王介甫。平生獨  
有湍子權。地上吮墨者誰子。兒女嗷嗷吁可憐。

書懷寄方叔駒

莽華岳雲寥。東海月萬里有時并。一去何翕忽。我昔走燕  
趙。抱策期有合。凌厲願時輩。項非所悅。千年甘鳳飢。一餐厭

雞濁。萬竟何物。腰有佞說骨。仗馬亦凡駑。暗氣不發生。當  
堯舜世心。恥自淪沒。會須奮一鳴。上與馮汲埒。聊以激貪懦。敢  
云補遺缺。才俊方充盈。此意竟蕩落。老成灌絳優。少年賈誼劣。  
衆人竊相笑。惟子為莞結。相持泣蒞市。浩歌獨不輟。歲莫歸蓬  
蒿。奉母事耕獲。子亦踉蹌去。三載音問濶。昨枉山中書。明我今  
所學。期以千載事。已覺浮名薄。春谷潛雲。雷秋氣。監雕鶚。他時  
如有立斯言。幸不作。

雨夜懷張陽扶

天地非不寬。羈鴻獨無依。渺江海濶。哀此為生微。丈夫抱古  
訓。壯當為世資。累寄他縣。咸時遭流離。有母常顛顛。俯仰慚  
庶黎。此恨古未有。善保潔白姿。豈無希世方。可以飽汝饑。感  
婦孺怨。券友朋期。夢寐有感觸。千里猶共帷。荒齋滯春雨。夜

久轉淒迷童子亦就睡。詎知心所悲。

李懷民名憲噩以字行所居有十桐樹自号十桐主人人稱之曰石桐山東人諸生

送趙王文東歸

雲中候雁飛白髮望荆扉。落葉滿山徑。秋風孤客歸。何時到鄉里。前路授寒衣。知是無人問。空舟理釣磯。

與周雲圃夜話

落魄憐同道。離愁復幾春。問年悲漸老。終夜話惟貧。古筆難酬世。儒冠只誤親。知君執高節。莫漫向他人。

訂中晚唐詩人主客圖既成悵然有感題卷末二首

古來孰此道。清味本酸寒。思入如中病。吟成勝拜官。物生皆不隱。情動即教看。未識成何用。憑將鬢髮殘。前生應有罪。天譴作詩人。但見無雙士。常膺不次貧。青山窮道

路白首精神獨未求。知己淹留萬古身。

與穎叔登樓

登樓曠遐矚。幾見南山村。舍晝恒靜。壑壑澄秋鮮。孤吟發高響。我思浩無邊。海波遠不興。雲氣但蒼然。時見海中嶼。浮出空濛間。君復孰幽賞。永日此留連。

山中與穎叔閒步

同心遠携手。逍遙步野田。落日照寒蕪。疎木參遠天。披彼海邊風。愛此門前山。舉頭看浮雲。聚散皆偶然。托霞無絲擾。性情亦蕭閑。努力篤靜業。豈結塵中緣。

冬日會西莊示子喬

密雲結畫陰。迴風散夕雪。稍愛蒼除靜。還念川岩別。雖無車馬步。尋聊一悅。莫色墟里昏。嶺勢松列荒。滕人去盡凍。烟鳥

飛絕茅棟遠林巔荆扉盡日閉已忻冷味合復共清觴設野會  
少拘忌貧家足精潔適茲樂蕭閑尚不羞蹇劣

晚雨溪上送從舅雨蒼歸東村

陰靄晚猶合蕭散復成霧溪痕漾濁流原色帶烟樹水鶴沙際  
宿歸人雨中渡道同惜阻睽情高輕去住相望過前山轉入雲  
深處

端居感懷

動息遂成素室家復其常日遠情漸踈時憂跡彌亡秋天易陰  
漫薄寒中我裳方如在遠道寥落悲故鄉香：懷往事沉：撫  
流光倉猝結中念安定集衆傷閑齊延餘恨浩思日飄揚

石門寺感舊用韋左司淮上寄廣陵親故韵

欲向名山宿流景不相待樹色春含烟山光莫沉海喧：酒杯

會忽、情緒改舊游豈堪追怡悵數峯在

送張陽扶佐莊使君幕校士河南

富兒重安居貧士輕遠遊衣食苟不充奔迸寧得休前年遊稷  
下將母住齊州母卒始歸葬暫一省林邱本無置錫地故鄉安  
可留今當涉河洛但為妻子謀出門看春光碧艸千里愁故人  
重話別清酒持滿甌洛中何鬱、龍門帶伊流聖賢生其間遺  
跡應獨求行：躡中嶽崇高物象收素襟深宏遠登覽曠悠  
使君方愛才重士千金酬士聲嗟已靡古道少復由雖不當其  
位可以佐旁搜所貴在明義坎壈豈足憂

寄單子受

紛喧無定賞寂寞有真性好古延清芬媚時得俗病胡樂性所  
樂而求與衆競試問千世文得失孰為政斂情寄閑曠逸韵發

歌咏所保在冲襟餘事及酌贈促迫斯不容平生抱孤興此道  
少榮辱孺欲逃數命願言結素心永世仰冰鏡  
貴賤雖異等名位本虛器優伶蒙綉裳乃与公侯類內蘊苟不  
充浮華安足恃昔聖厯此念良用篤厥志吾儕等劉輪聊欲鳴  
一藝疾徐難共喻甘苦嘗獨嗜羣歆恬弗騰衆恥勉無棄薄長  
時自負浩然增氣勢持此較世榮何由失吾意

○ 卷子佩

憶昔學把筆固無遠大志苟可悅時人身須致富貴不辭服流  
血揣摩欺當世體格趨卑弱勉勉逐風氣年長豈悟非命蹇始  
慙愧鴻飛厲清響高標在雲際諒知吟者苦不為聽者嗜聊遂  
平生言間發古人義遂使世上耳翻同畫為異荒島春雨過南  
山照新翠倚杖一舒嘯俯仰何拘忌時復得吾心寧知身名事

蔣攸銘

号礪堂漢軍編修

旗人乾隆甲辰進士改庶吉士授

公安夜發

月明如水水如天繞郭江村畫景妍露散汀洲涼吹蛤雲蒸橘  
柚夜鳴蟬漁庄四壁惟編竹稻隴三叉半植蓮蒼角流螢風掠  
下一川芳草認前緣

黔陽竹枝詞八首

黔之苗種類甚夥向但知青布裹頭短裙赤脚及耳墜  
大環帶銀項圈者為苗而其衣飾風俗更有新奇可  
說者途中見聞所及因漫咏之

青犂苗女好樓居綵布橫腰若綬紆堪笑湘江惟六幅長裙百  
褶更何如

吹徹蘆笙夜未闌花毬騰擲月場寬春來賣劍求黃犢娶婦全



輸黑牡丹

醅菜瑀同白蓄歲無藍巧用蕨灰香黑衣競逐烏鴉隊銅鼓聲

中賽竹王

馬郎房子寨門前舞袖新裁錦作綠面首莫嗔呼阿妹頭錢合

抵外甥錢

簪婚翻疑報打牙歲時做憂語粉譁冠笄尚忘初服耕織惟勤

蔡宋家

青藍衣色別東西祭白頻將木板齋更有牯羊居樟竹春歸怕

聽杜鵑啼

稱體桶裙無屨積垂雲剪髮作齊眉羊樓縹緲青杉菜人在鷓

鷓木一枝

健婦鋤犁蹄土人田歌亦解敬亦賓魏笙譜就豐年曲叢拜村

頭五顯神

李驥元

字善北号容齋四川綿州人乾隆甲辰進士改庶吉士授編修

龍洞背

逆龍引秦水直向此山送山靈塞前途雲岬密無縫龍怒張爪

牙穿石遂為洞千里開若河一門小如甕水聲与石聲今古兩

相開僕馬洞背來慎執無磬鞞

史致光

字葆甫号漁村浙江山陰人乾隆丁未狀元今官雲南知府

秋原

十里晴如沐凝眸四望同天高雲漢上秋在荻蘆中驕路驕嘶

馬斜陽遠沒鴻農人競築室爾古原空

秋徑

信步三徑幽尋小住佳泥留雙印屐葉掃一肩柴細草衰還

綠莓苔古欲埋就荒須種植陶令有餘懷

董敬增

字益其号觀橋江蘇上元人丁未探花改吏部主事

昇仙太子碑

只學吹簫便得仙雲中揮手謝塵緣函閣紫氣應如昔却笑玄元不少年

吳會

吳會繁華地朱張富貴家高樓多近水密室好藏花筆醞錫為酒秋香桂作茶冶游更何遺蕩漿有吳娃

暇日山塘去歡情畫舫多揮金知不惜留客欲如何重疊郎公饌輕盈號國蛾不愁殘月墮明發又笙歌

馬履泰

字秋為浙江仁和人乾隆丁未進士改庶吉士今官刑部員外郎

寒日入直

樹晴烟暖數宮鴉此節令人感物華官興寒于今日火歸心濃似故園抱文書遮眼遙傳漏拜掃何人不憶家明日西湖齊折柳歸來隨意挿簾牙

推搭和友人韵

半肩出沒亂山青一迳頻逢憇小亭野蕪尚看搖綠葉隣菴時為致紅苓沿村賣處隨屣沾酒歸來草塞瓶除却磨斤無一事夕陽未斂掩松扃

伊秉綬

号墨卿福建寧化人乾隆己酉進士改刑部主事

黑蝶和伯元韵

金縷羅浮色憐渠閣不章塵溜公鳳隱墨潘小藤香化定綠烏足飛宜上粉墻涑園春畫永相黑甜鄉

歡壺

夕陽在花榭花上雨潺湲能補陰晴闕而忘挹注艱迸珠鳴碎  
珮迷霧浣輕鬟昨夜傾如霞提壺入甕閒

蕉扇

美人似明月裁付手摻搖綠依蒲薦招涼到葛衫清風雙袖  
挹幽夢寸心絨書罷秋聽雨牕西半未菱

竹簾

一桁垂銀蒜簾虛境不喧楚雲時上簾湘水鎮當門細穿香  
縷疎涌月痕孤燈明半院蛩語出牆根

法時帆學士招已亥同學讌集陶然亭繪圖紀詩次和二

首

年光如水判流東萃鹿聞歌似夢中今雨都來睽舊譜秋山相  
對坐春風蘆花傍渚搖空碧楓葉穿雲露晚紅共是五更聽鼓

客蕭齋難得一尊同

山似秋雲抱郭飛僧仍老圃築場歸看花最憶元都觀走馬猶  
疑慘綠衣我輩酒懷殊卓犖雨餘天氣漸霏微若尋舊帽當年  
桂聞道蒼已十圍

陶然亭雅集已亥同年次法時帆學士元韻四首

古寺香為界高亭菊引杯苔岑求雨舊裙屐訪秋絕野曠天容  
淨心清鈴語猜盡簪蕪柱忽半為看山來

結束寧辭俗蕭疎始見真雨滋新葯甲苔綉老松鱗華髮歸名  
士青山昵酒人亦知藉陶寫倚醉欲吹筠

秋影淡香縷窺牕翠黛濃雨晴時獨往花落又相逢僧豈厭車  
馬客來聞梵鐘遙峯凹缺處約尔杖修筇

故人勤握手茲會洵陶然羣應金門直疇知陽羨田亂鴉翻夕

照一雁語寒煙同舉追公讌星終十二年

趙懷玉

字億孫号味辛江蘇武進人乾隆庚子  
官內閣中書

名試舉人

召試舉人

題文信國書為錢唐鮑文學廷博

書凡三百四十七字前幅已缺文載清河書畫舫向在

李中丞鹿山處今歸于鮑後有一峯跋語謂空坑敗  
後所寄一峯不知姓氏小印署冰蘂二字或云宋遺  
民也王光祿鳴威以書中入汀一語疑之辨其非空  
坑作其他跋語頗多皆近人故不及焉

半間堂藥西湖幽法書名畫傾公侯木棉菴中携不得半作劫  
爐無人收當時豈索信公書至今尺紙逾天球鮑生家亦居湖  
濱物不貴異惟其人牙籤錦輝幾千軸得此謂可空其羣寥  
三百卅七字空坑敗後從容寄幅殘似恥老欲全色淡還思淚

深漬已教八口墮虎穴忍令孤城怯螳臂間閔久置成敗笑頻  
仰尚蕪家國計臨危示法先示信檢點殘軍收劄印人亡縱失  
將伯助天意不教以疾困

公書云在瑞金  
一病甚可憂

可憐覆巢難復全生

見天折女弄捐魂從朱鳥返天上心照青簡傳人間傳疑傳信  
任史臣黃冠故里恐非真况為曲筆揜正氣大元革命邦維新  
浮蹤偶向閩海寄聚訟空若鴻溝分如公可死亦矯龍首黃  
扉致身早歿殊為公節義傳生勝睢陽宰輔表後來豈少登科  
名豪華但學公平生讀書不識忠孝字翰墨亦稱稽古榮

為家秀才魏題宋高孝兩宗所畫團扇冊

高宗書五言絕句一首詩曰芳草西池路柴荆三四家  
憶曾騎款段隨意入桃花末鈐德壽宮印孝宗書七言  
絕句一首詩曰春雲初起拂青林冉因風渡碧岑既

解從龍作霖雨油然出岫豈無心未鈐選德圖書

臨安天子臨池工高孝尚存祖父風十三行取洛神韻五百本  
竟蘭庭功劫餘今見親題句類：驪珠神物護問它隨意入桃  
花爭拉關心作霖樹賜通車攻小雅詩擊球馬已勢難支岳韓  
可惜亡都盡黃米何須生並時金絲玉印分明識德壽名還繼  
選德天教子圖好搜奇物得所歸重增色我來昨過鳳皇山宮  
殿虛無落照寒唯有月岩：上月夜深猶似扇團扇

景州

遙指隔谿塔驅車過景州春光先在水暝色欲歸樓燈市新年  
盛人烟近郭稠賢良誰第一故宅問山邱

晉口伍行人祠

夜鳥啼罷冷宮梧祠墓千秋尚枕湖蹤跡已開游俠傳山川空

負霸王圖入秦七日偏存楚報越三年竟覆吳猶有未忘恩怨  
在怒潮如雪動寒蘆

李鑾宣

事 号石農一号丹崖山西靜樂人庚戌進士改刑部主

期尹得之秀才不至

不見故人至依：暮色催烟總衝屋上山欲撲簾來檐鳥啄紅  
粒塔蟲喧綠苔幾番想高卧蓬戶為君開

欲雨

萬里浮雲合瀟漫一沫平山川沈雨氣天地入秋聲客去鳥初  
下飯香鷄又鳴饁耕借冀缺安穩住對荆

見燕

一向知何處歸飛又是春還來梁上語仍作謝家隣於我曾相  
識憐渠只傍人休貽鴻鵠笑奮翮仰天津

九日同蔡聚東携酒登涿郡雲居寺智度寺西浮圖絕頂

二首

危梯直上且携筇高聳青天削玉蓉百里河源奔獨鹿千山雲  
氣走盧龍桓侯祠外蒼烟古酈尉亭邊蔓草封漫說高詩興好  
佳辰都在異鄉逢

蟻行百折倚晴虹放眼還須瞰碧空佐我壺觴惟野菊驚人毛  
髮是秋風長橋浪捲三洲白落日霞吞兩塔紅翹首故園何處  
是太行西望渺茫中

凌廷堪

字仲子安徽歙縣人乾隆庚戌進士

蒙陰縣

蹀躞荒城下西風洒面塵路遙行子倦縣小長官負秋影馬頭  
樹夕陽牛背人東蒙山色好天際黛痕新

